


مکتبہ علمیہ دارالافتاء

۱۸ نجفی سنہ

جزء، عدد : ۶۳

غریبہ صفر ۱۳۱۵





ایکینجی مکتوب (۱)

ورسای فی ۲۶ شباط ۱۸۷۱

جمعه ایرتسی کونی اوزون اوزادی به جریان ایدن مذاکراتی متعاقب جمله من اقشام طعمانده برلشدیگمز خالدہ فرانسزلر بیان اعتذار ایله کلیدیملر. حتی بعدالطعام قونفرانس عقدی مصمم ایکنده خصوصات مالیہی تسویہیہ مأمور اولانلر کندیلرینه حواله ایدیلان وظیفه ایجابجه اقتضا ایدن تکالیفی قونفرانسه عرض ایدہ بیله جک معلوماتی استحضار ایدہ مامش اولملرنندن طولانی اجتماع ایدہ مدک .

روچیلدک افادہ سنہ کوره ، گویا نہ اساس اوزرینہ عرض تکلیف ایدیلہ جگنہ دار (تی بر) کندوسنہ معلومات کافیہ ویرمامش. حتی صکرودن بسمارقک افادہ سنہ نظراً شو تأخردن طولانی (تی بر) ایله آرہ لرندہ مناقشہ بیله اولمش . بو سببلرله برلشیک مسئلہ می بازار کونسہ تعلیق ایدلی . اوگونکی اجتماع ، هرکسک تکلفسزجه اشتراکی و دعوت واقعہ اوزرینہ جنرال ستوشک (Stosch) حضوری و بالآخرہ بارون روچیلد ایله (تی بر) و (فاوور) کده ورودی ایله حقیقہ بر شاعرک تخیل و بر رسامک تصویر ایدہ بیله جگی بر هیئت وعظمتی حائر ایدی . اورادہ بر رسام اولسہ ایدی ، روچیلدکی ضعیف البنیہ باجقلری تیر تیر دتر بریلہ ، صبری توکنہ مرتبہ لرینہ گلمش اولان بسمارق کی بر تمثال مکانک قارشو قارشویہ کلدکلری دقیقہ فی لوحہ سنہ بر اساس اتخاذ ایدردی .

فی الحقیقه بسمارق مسئله ناک حسن نتیجه افتران ایدم ماسندن طولانی مغیر اولدینی حالده (لومباغو) سنهده باقیه رق و دیم دیک دیکله رق صوت بلند ایله « اگر موسیو بارون تکلفی در میان اتمک استمیورسه حل مسئله ایچون دیگر بر چاره یه توسل لازم گلیور » دیمسنی متعاقب روچیلدک ککلیه رک « اقسه لانس ! بنده کُر حاضرم افندم » جوابی ویرمسی تام بر لوحه تصویره سرمایه اوله بیله جک حالتدن ایدی .

باویرالی آرقداش ، ایشک بوزوله یلک احتمالندن طولانی پک مکدر کورینوردی . اڭ شدتلی Borusses لر ایشک نتیجه لئامامسنی تمنی اتمکده ایدیلر . آلمانیا اردوسی ایسه اقتدارسنر بر حالده بولنان خصمک (اسپازموزی) (رعشه مصروعیتی) اڭ صوڭ کرته یه کلدیگی حالدهده ینه ایرتمی کون ایچون مقصدک استحصال اولنه جغندن امین ایدی . فرانسرلر ، ایچلری ایچنه کچوب کندولرینی گوجلکله طوته بیلورلر ایدی . هان جناب حق آلمانیا رجال سیاسیسه بویه بر دقیقه جق کچورتمسون .

دون فرانسرلر کلدکدن صکره بسمارق آنلرله ایکی اوج ساعت ایچنده ایشی بیتوردی . بز مذاکراته دئر بسمارقدن معلومات آلدق . ویا لکزر مصالحه نامه ناک امضالاشنده حاضر بولندق . بسمارق (فورچه ایم) اڭ (Pforzheim) برهدیه و طنبورانه سی اولان واقجه فرانسرلرله اراته اولان آلتون قلمله امضاسنی قوبیدی . بو آرمه لوقده تحف برشی اولدی : جنوبی آلمانیا حکوماتی و کلاسی حین امضاده ، بدایت مسئلهده حکومت متبوعه لرینک (Motu proprio) یعنی کندی اختیارلریله حربه باشلامش اولملری صفتیه مصالحه یه اشتراک ایلمکده اولدقلرینی بیان ایلدیلر . (تی بر) دها (Particulariste) (۱) صورتده بر مصالحه نامه مسوده سی تکلیف ایلدیگندن ، بسمارق « ینه آلمانیا اتحادنی بوزمغه چالیشیورسکزر » دیمکله (تی بر) : « بالعکس او اتحاد بز سبب اولدق » جوابی ویردی . بسمارق ایسه اموزلرینی سیلکدرک بر « احتمال » کلمه سیله بحثی قیادی .

ایشته آلمانیا ناک اڭ زیاده شایان و شرفله عقدینه موفق اولدینی مصالحه دون ،

(۱) یارق کولادیزم سه پاره تیزم بر مسلکدر . بونلرک هر ایکسی حقتده ایلروده معلومات ویریه جکدر .

او گله دن صکره ساعت دردی ۱۲ کچهرک امضا ایلدی . (۱) فرانسه مرخصی
در حال گتمکه قالقشیدیلر . بسمارق (تی پر) ایله وداع ایدرکن کندی آرزوسی
خلافه اوله رق واقع اولان بعض نابجا معاملاتندن طولانی فرط نزاکتله استغفای
قصور ایتدیگی حالده (تی پر) کندی ضبطله قاذر اوله میهرق چهره عبوست
گوستردیسهده (فاور) سکوت مأیوسانه و مکانت هضممانه سنی محافظه ایلدی .
اقشام اوستی . گولرک Goeler افاده سنه گوره . امپراطور گلدیگی وقت بر جوق
جنرالر ایچنده مولتسکینی آراشدیرمش و تهالکله یانسه تقریبه کوزلرندن یاشلر آقادی
حالده بویننه صاریلوب اویمش .

(۱) یعنی ۱۸۷۱ سنه سی شباطنک ۲۵ نجی گونی .

